

This text was downloaded from <http://georgianmanuscripts.uk/>, where you can also find other texts of the Wardrops' Collection Online (WCO). It is published within the framework of the joint research programme of the University of Oxford and SRNSFG in Georgian Studies, under a [CC BY-NC-SA 3.0](https://creativecommons.org/licenses/by-nc-sa/3.0/) licence.

CATALOGUE OF THE WARDROP COLLECTION ONLINE — MS. Wardr. d. 5 Oppozicia ოპოზიცია oppozic'ia

Table of contents

1.

1.1.

[Page 1]

A copy of a Ms. journal secretly prepared by and circulated amongst the Grammar school boys in Kutais.

This copy was specially written for us and presented to us by some boys who we were staying in Kutais in December 1894.

The above written by M.W.

[Page 2]

**1.2. პატივსაცემ და სათაყვანებელ ინგლისელ
და ძმას,
როგორც მცირე ნიმუში მათათადმი განუსაზღვრელი
მადლიერებისა და გულით და სულით დანდობისა
ქუთაისის ქართველთა გიმნაზიელთაგან.**

(ჰხამს მოყვარე მოყვრესა ხვაშიადს არ უფარავდეს.) პატივსაცემ და სათაყვანებელ
ინგლისელ

და-ძმას,

როგორც მცირე ნიმუში მათათადმი განუსაზღვრელი
მადლიერებისა და გულით და სულით დანდობისა
ქუთაისის ქართველთა გიმნაზიელთაგან.

ვამ, სოფელო რაშიგან ხარ, რას გვაბრუნებ, რა ზნე გჭირსა?!

ყოველმც შენგან მონდობილი ნიადაგმცა ჩემებრ ტირსა.

სად წაიყვან სადაურსა, სად აღუთხრვრი სადით ძირსა!

და მაგრა(მ) ღმერთი არ გასწირავს კაცსა შენგან განაწირსა

შოთა რუსთაველი.

ა, ბ, გ, დ, ე, ვ, ზ, ლ, თ, ი, კ, ლ,
ა, ბ, გ, დ, ე, ზ, ლ, თ, ი, კ, ლ,
მ, ნ, ო, პ, რ, ს, ტ, უ, ფ, ქ,
მ, ნ, ო, პ, რ, ს, ტ, უ, ფ, ქ,
ღ, ყ, შ, ჩ, ც, ძ, წ, ჯ, ხ, ჯ, ხ, შ,
ღ, ყ, შ, ჩ, ც, ძ, წ, ჯ, ხ, ჯ, ხ, შ.

კოკასა შიგან რასაცა დგას, იგივე წარმოსდინდების.
კოკასა შიგან რასაცა დგას, იგივე წარმოსდინდების.

1.3.

[Page ა]

Figure 1. ოპოზიცია N დ

განათლება, ერთობა ძმობა ამხანაგობა, სიყვარული, მუდმივი მეგობრობა.
განამტკიცე აზრი წმინდა, გულს სიწრფელით ახურვებდე !

ჩყუდ-სა წელსა, ქრისტეშობისათვის ა-ს დღესა.

გამოდის ორ თვეში ერთჯერ.

1.3.1. ოპოზიცია

„ოპოზიცია“ ვართ სწორეთ,
შეჭურვილ- მომზადებული,
მუდამ სიბნელის მდევნელი,
ნათლისთვის დავდადებული.
ხანჯალი, ხმალი მარტყია;
თუმც ჯერ არა აქვთ კარგი ჭრა,
მაგრამ თან-და-თან მოვპირავ:
ნათლისთვის არა მშურს განჯა.
და შეიძლება ოდესმე
მოლესილ-ამოპირული
ისინი წყვდიადს შეებან,
ასტეხონ ომი გმირული.
ამხანაგი.

[Page ბ]

1.4. სასიამოვნო შემთხვევა. სამშობლო ენა ყველასთვის სავალდებულოა. - სამშობლო ენა ადამიანის ბუნების ძიძა- (მზრდელია). - რატომ უნდა გიყვარდეს იგი სხვა ენაზედ უფრო?

1.4.1.1

ვისაც ჩვენის ლიტერატურის მოძრაობისთვის ამ ათი წლის განმავლობაში თვალი უდევნებია, უთუოდ შენიშნავდა მასში ერთ სასიამოვნო მოვლენას ქართულმა ლიტერატურამ უფრო ჩქარი ნაბიჯით იწყო წინ მსვლელობა და მიიღო ნამდვილი ლიტერატურის ფერი და ხასიათი: ამ ათ წელიწადში გამოვიდა ზედი-ზედ წაწყობილი მრავალი შესანიშნავი პოეტური და ბელეტრისტური ნაწარმოები, ტომებად დაყოფილი, და დაარსდა რამოდენიმე ლიტერატურული ჟურნალ-გაზეთი (თვიური სალიტერატურო ჟურნალი „მოამბე“ , საკვირაო, სალიტერატურო გაზეთი „კვალი“ და სამეურნეო გაზეთი „მეურნე“) სასიამოვნოთ და ღირსსახსოვრათ დღევანდელი ქართველის ცხოვრებიდან უნდა დარჩეს ეს შემთხვევა, მით უფრო, რომ ეს დრო არის ნამდვილი ერის სათავე გონებრივი მოძრაობისა, რომელსაც ეწოდება „ლიტერატურა“ კიდევ მით არის სასიამოვნო ეს შემთხვევა ჩვენს ცხოვრებაში, რომ მან ახლავე იქონია სასურველი გავლენა საზოგადოდ ქართველობაზე, ნამეტურ ქართველ მოზარდ თაობაზედ, ანუ მოსწავლე ახალგაზრდობაზედ. მოსწავლე ახალგაზრდობა დიდის სიამოვნებით მიეგება ამ შემთხვევას და მწყურვალეთ დაეწაფა მშობლიურ სწავლამოდღვრებას. მამ გაიჩინეს სამშობლო მწერლები და პოეტები და გატაცებით დაიწყეს მათი კითხვა. ახალგაზრდობის ამ [Page გ] გვარმა ლტოლვილებამ სამშოვლო მწერლებისადმი (რომელსაც აქვს მიზნად ნათლათ და დაუმხატოს თავის ერს საქართველოს ძველი დიდება და ნაციონალურ სიამაყე, რომ მით გამოაფხიზლოს სიტორიული უიმედობით გულგატეხილი ქართველობა და ააშოროს ამით გადაგვარება,) უნაყოფოთ არ ჩაიარა ამათთვის. ამან აალაპარაკა ერთხმად მოზარდი თაობა თავის ნაციონალურ ღირსებაზე და გაუძღვა მას ენის შესწავლის და სამშობლოს კეთილმდგომარეობისათვის შრომის და მეცნიერების სურვილი.

დღეს ჩვენი მოსწავლე ახალგაზრდობა დიდი ინტერესით კითხულობს ქართულ ჟურნალ-გაზეთებს. მან შეიგნო, რომ ამდენ ხანს ის სრულიად მოკლებული, დაშორებული იყო სამშობლო ნიადაგზედ აღზრდა-განვითარებას, და ამიტომ წიგნების კითხვასთან დაებადა ენის საფუძვლიანად შესწავლის სურვილი. ამ მოზარდ თაობამ განიზ-

რახა ქართული ხელნაწერი ჟურნალის დაარსება, რის საშვალეებითაც შეიძლება ურთიერთობისადმი გულნადების, აზრების გაზიარება და შემუშავება, რომ ამ ნაირათ საერთო მეცადინეობით განვითარდენ დედა-ენაზედ. სიამოვნებით ვეგებები ამ სასიამოვნო სურვილს და ვუცხადებ თანაგრძნობას ჩვენი ჟურნალის თანამშრომლებს და მზადა ვარ შეძლების-და-გვარათ ვემსახურო ამ ჩვენს კეთილაზროვან საქმეს.

1.4.2. II

ენა იგივეა ერისათვის, რაც ყოველ ბავშვისთვის ძუძუ; ენა ერს ზრდის ზნეობრივად და გონებრივად; ამიტომ, უყვარს სამშობლო და აზრათ აქვს თავისი მშობე-
[Page დ] ბელი ერის წარმატება, ის უპირველეს მოვალეობათ უნდა სთვლიდეს დედა-ენის შესწავლას. აქედამ ცხადია, რომ დედა-ენის შესწავლა ყოველი ქვეყნის მამულიშვილისთვის სავალდებულო უნდა იყოს.

სამშობლო ენა ყველა ენაზედ უფრო საჭირო არის ამიტომ არის, რომ მხოლოდ ამ ენაზედ შეიძლება სრულიათ განვითარება გონებრივით და ზნეობრივით და ბოლოს ქვეყნის აზრების გამოთქმა. მსოფლიო გენიოსები, რომლებიც ბრწყინავდენ კაცობრიობის თვალში, აღიზარდენ სამშობლო ნიადაგზედ. ამ აზრის დასამტკიცებლათ საკმაოა, მოვიყვანოთ მაგალითად ჩვენი უკვდავი გენიოსი შოთა რუსთაველი, ნიკოლოზ ბარათაშვილი, აკაკი წერეთელი - სულყველა ესენი დედა-ენის ღრმად მცოდნეებია. არნაკლებ თვალსაჩინო მაგალითს წარმოადგენს რუსების კრიტიკოსი ბელინსკი, რომელზედ უკეთ, როგორც საყურადღებო პირები ამტკიცებენ, არც მის წინეთ, არც შემდეგ არავის ცოდნია სამშობლო ენა.

ქართველები ღვთით, ბუნებით დიდი ნიჭიერი ხალხია, მაგრამ ძალიან აქვეითებს მათ ის, რომ სამშობლო ნიადაგზედ აღზრდა-განათლებას მოკლებული არიან. ადამიანი, ამ უფლებას მოკლებული, კარგავს სულის სიმტკიცეს, ბუნების სიძლიერეს; მისი გონება ილახება, უძლურდება, სხვა, მისთვის გაუგებარ ენაზედ სიტყვების ზეპირობით; მაგ: მთელ თავის აძლევს ნიჭიერი, სიცოცხლით სავსე ქართველი ყმაწვილი უმცროს კლასში, რომ გაიზიაროს მისთვის გაუგებარ ენაზე გაკვეთილი; ის ასრულებს მას წავლებლის ყოველგვარ მოთხოვნადას და აღწევს
[Page ე] უფროს კლასებს, მაგრამ დაღალულს. გონება გალახულს

ადარ შეუძლია უფროსი კლასების მოთხოვნილებების ასრუ-
ლება: ან სიკვდილამდის ებრძვის ის თავის მდგომა-
რეობას, ან იძულებულია თავი დაანებოს სწავლას და
წყალწალღებულებით დარჩეს ცხოვრებაში. სიტყვას „წყალ-
წალღებულებით“ მიტომ ვხმარობ, რომ ნამდვილ შედარე-
ბათ მიმაჩნია ამ გვარი ყმაწვილის წყალწალღებულთან
შედარება: მას, ზნეობრივად და გონებრივად გალახულს,
ადარ შეუძლია სრულებით ცხოვრებასთან ბრძოლა,
კეთილდღეობისადმი სიყვარული სრულიად ეკარგება, ბუნე-
ბით ისე უძლურია და ცხოვრებაში იმდენათ სასოწარ-
კვეთილი, როგორც წყალწალღებული, რომელსაც თავის
შვილის იმედი დაკარგვია. ბევრი ამ გვარი ყმაწვილ-
თაგანი თავს ადარ იზოგავს, რომ არ შეუერთდეს ამ
წყალწალღებულების გუნდს, და ილუპება ნამეტანი თავგანწირულის,
უზომო შრომისგან. მაგ: დიდი ხანი არაა, რაც ერთი
სამწუხარო ამბავი მოხდა: ერთი ყმაწვილი ქართველი,
რომელიც ამ ჩვენის გიმნაზიაში სწავლობდა, თავგანწირუ-
ლი შრომით და მეცადინეობით მივიდა უფროს კლასებამდის.
აქ მეტი შრომა მოთხოვა კლასმა; ყმაწვილმაც მეტი თავ-
განწირულებით მიდგა გაკვეთილების უაზროთ ზეპი-
რობას და ამ ნაირათ დიდი ვაი-ვაგლახებით მიაღწია
მერვე კლასს, მაგრამ ამ გვარი მეცადინეობით ყმაწ-
ვილს ტვინი სულმთლიანათ გამოულაყდა და საცოდ-
ვავი ჭკუიდან შეცდა. ამის მიზეზი, რასაკვირველია,
ზემთ მოყვანილს გარდა სხვაც იყო სახელდობრ: მასწავ-
ლებელ, რომელსაც სრულიად დავიწყებია, ან
[Page 3] არ სცოდნია ჭეშმარიტი პედაგოგის მოვალეობა. აი რას
მოასწავლებს სამშობლო ნიადაგზე აღზრდა-განათლებას
მოკლებულობა, რომელსაც (აღზრდა-განათლებას) უნდა
ჰქონდეს ნიადაგათ დედა-ენა. დღეს განათლებული ქართვე-
ლობის ბევრი ნაწილი აბუჩად იდგებს დედა-ენას და თავი
მოსწონს მით, რომ სხვა ენაზედ შეუძლია მსჯელობა. სადღაა
აქ ნაციონალური ღირსებისადმი პატივისცემა და სიყვა-
რული? განათლებული დედა, რომელიც საქალებო გიმ-
ნაზიაში მიუღია სწავლა, ხშირად თავის გარშემო მყოფთ
ქართულად ელაპარაკება და თავის შვილებს კი რუსულათ
და აგონებს შემდეგ აზრებს: „ჩემმა შვილმა რუსული უნდა
იცოდეს, თორემ უმისოდ არ არგიაო, განათლებას ვერ
შეიძენსო. რასაკვირველია, ყმაწვილი ამ-გვარ აღზრდა-
ში ვერავითარ ზნეობრივ საზრდოს ვერ ჰპოვებს. დე-
დამ ძუძუსთან ერთათ ზნეობრივი საზრდო უნდა აძლიოს
ბავშვს: მისი გული და გონება უნდა იზრდებოდეს სამშობ-
ლოს ნიადაგზე, როგორც ზევითა ნაჩვენები ისეთი აღზრდის გამო
ამ საშუალებას, რასაკვირველია, ყმაწვილი მოკლებუ-

ლია. ის ამ ნაირათ გადაგვარდება და ამასთან გამო-
დის გონებით ჩლუნგი, უგრძნობი, რადგან გრძნობებს
აწოვებს ის წრე ბავშვს, სადაც იზრდება მისი ბუნება
ათ წლამდე.

აი ამისათვის ვაარსებთ ჩვენ ამ ჟურნალს, და,
იმედია, ეს შემთხვევა მხურვალე თანაგრძნობას გა-
მოიწვევს ყველა იმათის მხრით, ვინც კი დარწმუ-
ნებულია სამშობლო ენის დიდ მნიშველობაზედ.
აწ სიამოვნებით ვეგებები მეც ამ სურვილის აზრის
განხორციელებას და გულით მსურს ვემსახურო ამ
[Page №] წმინდა (აზრს) მიზანს, რომელიც ჩვენ ჟურნალს აქვს
შრომა და ვარჯიშობა ყოველი საქმის დამაგვირგვინე-
ბელია, და ნურც ჩვენ დავიზარებთ შრომას. ჩვენზედ,
მოზარდ თაობაზედაა დამოკიდებული ჩვენი არსებო-
ბის აღდგება და ნუ დავიშურავთ ნურაფერს ამისთა-
ნა საქმის ასასრულებლად.

ი. ს-ღ

1.5.

1.5.1. ვუძღვნი ჟურნალ „ობოზიციას“

ძმანო! გვეყოფა რაცა ვიგრძენით,
გამოვიღვიძოთ, ვაჭყიტოთ თვალი !
მშობელს დაცემულს ხელი ვუწვდინოთ
და ავასრულოთ შვილისა ვალი!

1.5.2. * * *

მას მივეშველოთ, რიცთ შეგვიძლია,
აღარ დავკარგოთ ნაქები კვალი!
მშობელს რითამე რომ გამოადგეს, -
ეს არის შვილის პირველი ვალი !

1.5.3. * * *

აქამდე მშობელმა გვზარდა, გვიარა,
გვიკაფა ფართე შარა სავალი,
აწ დაუძღურდა, და ჩვენც ვუწიოთ
სამაგიეროთ შვილისა ვალი.

გარეშე.

[Page 6]

1.5.4. ნადსონიდეგან (თარგმანი)

გასწი, ივიწყე მწუხარებანი!
არ შედრკე არა შიშის წინაშე!
იბრძოლე, ბოლოს მაინც გაბრწყინდეს -
ცისკარი, ღამე მოსხივ-კაშკაშე !

1.5.5. * * *

იშრომე, სანამ ძალ-ღონე შეგწევს,
ცხად იმედები ტყვილა არ ჰჟანტო:
სჯობს განათლების, სწავლის სახელზე
პატიოსნების ღამძპარი ანთო.

1.5.6. * * *

დაე ჩირქი გცხონ, ზიზღით გიყურონ,
დაე განგრისხონ ბრბოს განჩინებამ,
დაე უაზრო საყვედურიც გხედეს, -
არ შეგაშინოს განწირულებამ !

1.5.7. * * *

გასწი, სულითა არ დაჯაბანდე
და დაადექი შეგან თელილ გზას !
გასწი! ... აპობდე ყმაწვილის მკერდით
ამა ცხოვრების ყოველ გვარ ტალღას !

1.5.8. * * *

აღვიძე შავი ღრუბელით მოსილნი !
დაცემულთ შევლად ხელი აწვდინე !
სიტყვა მაღალი შემმართების
ხალხში, ვიდ სხივი ცქვიტი, მოჰფინე !
ამხანაგი.

[Page 7]

1.5.9. ნეტარ არს ისა. . . .

ნეტარ არს ისა. ვინაც რომ
ერთ გზას აგდია მტკიცედა,
ვის ვერ აფერხებს ვერა-რა,

გინდ ჭირი მიხვდეს ჭირზედა !

1.5.10. * * *

მის თავს იგრგვინოს, იქუხოს,
ბედმა უმუხთლოს უწყალოდ,
იგი მარად სდგეს, არ შედრკეს,
თავსა არ ხრიდეს უბრალოდ, -

1.5.11. * * *

მან მიაღწიოს წადილსა,
რაზომცა იყოს ძნელია:
მომბინება და სიმტკიცე
ყველაფერის საფუძველია.

1.5.12. * * *

მხოლოდ ვაი მას, ვინცაა
ყოველგან გული ერჩევა,
ვინც იტყვის: „ეს გზა არ მომწონს:
აქ კრულვა მესმის და წყევა.“

1.5.13. * * *

და სხვაგან მიდის: „ვინ იცის,
ბედი რამ შემხვდეს კარგიო,“
მაგრამ ვერც იქ სძლებს დიდ-ხანსა

[Page 0]

და სხვაგან მიაქვს ბარგიო.

1.5.14. * * *

ის დაჩვეული წანწალსა,
ერთს ადგილს ვეღარ ჩერდება
და გაჭირვება-შიმშილში
ასე უდროვოთ ბერდება.

ს. მ-ღ.

1.5.15. მაშინ იქმდება ეს ჩემი ქნარი . . .

მაშინ იქმდება ეს ჩემი ქნარი
სულის დამტკობოზუ, რუსთაველური,
როს განიღვიძებს ხალხი მძინარი,

გრძნობა მაღალი, აზრი ქველური.

1.5.16. * * *

მანამდი უნდა ქნარი ვატურო,
მეც ზედ ვაკუნესო მწველი ოხვრითა,
ბოროტის გული ვგმო და ვამცურო,
დავმდუღრო მართლის ცრემლების ღვრითაა.
ი. ს-ღ.

[Page ია]

1.5.17. ბატები (კრილოვიდგან).

გვარიშვილობა რათ გინდა,
კაცო, თუ თვითონ არ ვარგიხარ ?!
ბატებს ნუ დაემსგავსები:
შენ მათი ტოლი არა ხარ !

1.5.18. * * *

გრძელი წნელით ხელში გლეხი
ბატებს მიერეკებოდა.
(მართალია მოგახსენოთ -
კარგად კი ვერ ეპყრობა!)

1.5.19. * * *

ქალაქისკენ იჩაქრის,
იქ მოგებას მოელის.
საქმე მოგებაშია
რა ვქნათ მიეტოვების

1.5.20. * * *

ჩემის მხრით არას ვამბობ,
გლეხს თითქმის არც ვამტყუნებ;
ბატები კი დამჩხავის:
ყურს რათ არ აბარტყუბევ?

1.5.21. * * *

ხომ ხედავ შენ ამ უგუნურს,
რა ბრიყვულათ გვეპყრობა,

[Page იბ]

თითქოს უბრალო ბატებს

სადმე მიერეკება!

1.5.22. * * *

ის კი სულსაც არ არის
ამ ტვინ გამოლეულმა,
რომ მოწიწება შეგვფერსს,
თითქოს გამოლეულა.

1.5.23. * * *

ის ჩვენ წინაპართ ღვაწლი,
რომელთ რომ დაიცვეს,
რის სამაგიეროთაც
მათ პატივი დაიდვეს.

1.5.24. * * *

იქ თითქმის მათ სახელზე
დღესასწაულებია.
ამას თუ არა ესმის,
შენა გესწავლებია !“

1.5.25. * * *

- „კარგი . . . ყველა გავიგეთ,
აქამდისაც ვიცოდით,
მაგრამ , ჩემო ბარტყებო,
თქვენ მისგან რას ელოდებით ? !

1.5.26. * * *

მართლაც თქვენ წინაპრებმა
რომი გადაარჩინეს
და სწორეთ კარგი საქმე
იმათ გადაგვირჩინეს.

[Page იგ]

1.5.27. * * *

მხოლოდ ეს კი მაკვირვებს,
თქვენ რა ჰქენით ისეთი,
რომ პატივი მიიღეთ?
რათ ვარგიხართ ანცერთი ?!“

1.5.28. * * *

„ჩვენა? ჩვენ . . . არაფერი . . .

მაგრამ ჩვენი მამები . . . „

- ეს ხომ ჩვენც გავიგონეთ !

ის თქვენი წინაპრები

1.5.29. * * *

ღირსნი იყვნენ პატივის,

ხალხიც კარგად იგონებს;

თქვენ რაც ტყვილათ არ ყვირით,

არავინ გავიგონებსთ.

1.5.30. * * *

მეტს კი არ შეგაწუხებთ;

რაც ვსთქვი, მისც უკაცრავათ !

ეს კი იცოდეთ, მხოლოდ

ვარგისხართ თქვენ შესაწვავათ .

1.5.31. * * *

არავის გაგიძნელდება

თუმცა კი შეიძლება,

მაგრამ ბატების ხათრით

ვინმე დამემდურება.

კირავოზათ ნამყოფი.

[Page იდ]

1.6. რამოდენიმე მოქმედი პირი ე. ნინოშვილის მოთხრობა „ქრისტიანე“-სი

უდროოთ დაკარგული ნიჭიერი ბელლეტრისტი ნინოშვილი მრავალი მხრით შეეხო ჩვენს ცხოვრებას; მან მრავალი ახალი ტიპი გამოიყვანა მიმალულ კუნჭულიდან და დაგვანახა მისი კარგი და ცუდი მხარეები. მოთხრობა „ქრისტიანეში“ ის ეხება გურიის ცხოვრებას და გვამლევს მისი ავ-კარგის უტყუარ სარკეს, რომელშიც ზიზღით ვუყურებთ უქმაძეებს, ძველისუნიძეებს, პირიმზისა და ნატალიას მსგავს ბებრუხანებს, რაოდენიმე პატივის ცემით მაშოს და განუსაზღვრელი სიბრალულით ქრი-

სტინეს, მის მშობლებს, აგრეთვე სონასაც, თუმცა მისი ხასიათი რაღაც ძლიერ მკრძალათ არის გამოხატული. ამ მოთხრობის უმთავრესი პირები არიან ქრისტინე და იასონ უქმაძე, მაგრამ უკეთესი იქმნება, მგონია, ჯერ მათი მშობლები გავიცნოთ, რადგან ქართული ანდაზა ამბობს: „დედანახე, მამა ნახე, შვილი ისე გამონახეო.“

იასონის მამა, ბეჟან უქმაძე, არის შეძლებული, თავმომწონე და ამაყი აზნაური; სწავლა-განათლებას ის არ შეუწყუბებია და არც თვითონ აწუხებს მით შვილს: იმდენ სწავლას აძლევს მას, რომ წერა-კითხვა და ცოტა რუსული ლაპარაკი შეიძლოს, [Page იდ] თავი ირჩინოს, „ ფილოსოფიათ კი არ უნდა!“ როგორც ძლიერ თავმოყვარე, ამაყი აზნაურები, ბეჟანი „უმალ სასიკვდილოთ გაიმეტებს თავის იასონს, სანამ გლეხი-ქალის შერთვის ებას მისცემს;“ ის ზრდის შვილს ფუფუნება-თავისუფლებლაში; თავის დღეში არ წარმოიდგენს, რომ შვილს ჩაუნერგოს გულში მოძმის სიყვარული, ღარიბების სიბრალოლი.

გასაკვირვი არაა ასეთ მამას ცუდი შვილი გამოუვიდეს. იასონი მამას ბევრითაც ასწრებს თავის ცუდი ზნე-ჩვეულებებით. ფუფუნებაში აღზრდილს „დისციპლინა“ მას არაფრათ ეპიტნავება, სწავლა სძულს, დიდგულობს, მასწავლებელი ლახავს. სკოლიდან გამოგდებული ის დგება მწერლად მაზრის სამმართველოში, მის დაუდეგარ გაფუჭებულ ხასიათს არც მწერლობა ეჭაშიკება, იქაც მაყობას იწყებს და იქიდანაც მალე გამოაბრძანებენ; მუშაობა სძულს, არ კადრულობს; ზის უქმად მამის ოჯახში; ჭამა, სმა, ჩაცმა, დახურვა, ძილი, მთქნარება და უთავბოლო ზმორებაც ხდება მის მუდმივ საქმე. ამ გვარი ცხოვრებაც მალე მოსწყინდა იასონს; ის იწყებს სოფელ-სოფელ ხეტიალს, გაიცნობს გლეხების ოჯახობას, ახშირებს მათთან სიარულს, უახლოვდება გლეხის ახლაგზარდა ქალებს, ბევრ ოჯახს ბღალავს, ბევრ ქალს ნამუსს ხდის, ბევრ ცოლ-ქმარს ჰყრის; მიზნის მისაღწევად ყოველ გვარ უსვინდისობას ეწევა; უარ ჰყოფს პატიოსან სიტყვას, [Page ივ] უარ ჰყოფს ნათესაობის წეს-რიგს, უარ ჰყოფს ფიცს, თუკი ქრისტინეს ჩაიგდებს ხელში და თავ-

ვის მხეცურ სურვილს მოიკლავს. როგორც (ქრისტიანეს დედის) შვილობილი, იასონი ხშირათ დედის ქრისტიანეს დედასთან, თუმცა გულში კი იცინის: "რამდენი დედა მყავსო!" ის ეძებს შემთხვევას სიყვარული გამოუხადოს ქრისტიანეს და, როდესაც იშოვნის, მაცდურ გველივით შეუჯდება მას გულში და, ბევრი ცდის შემდეგ, პოულობს ალავს და თან-და-თან უფრო მკვრივდება შიგ; აძლევს ქრისტიანეს პატიოსან სიტყვას, აძლევს ფიცს, ცოლათ შეგირთავ და გაგაბედნიერებო; მაგრამ ატყუებს; სად არის მასში ამდენი პატიოსნება, იმდენი სვინდისი და ვაჟკაცური გრძნობა, რომ გაიფიქროს ქრისტიანეს მშობლების გაბედნიერება, რომ წარმოიდგინოს, რა მოელის მისგან ნამუს ახდილ ქრისტიანეს?! იასონი ლეჩაქს ხდის ქრისტიანეს, სამუდამოდ მოუშორებელ ჩირქს სცხებს მის ქალწულობას, მის პატიოსნებას და რა მიაღწევს მიზანს ქრისტიანეს თავს ანებებს, და მდიდარ აზნაურის ქალზედ იწერს ჯვარს, ქრისტიანეს კი სრულიად ივიწყებს; მხოლოდ თუ სადმე ჩამოაგდებენ ლაპარაკს ქრისტიანეს სილამაზეზედ, იასონი თავმომწონეთ ამბობს: „მე შევაცდინე ასეთი ლამაზი ქალიო.“ ერთხელ, როდესაც იასონი და მისი მეუღლე ცხენებით დასეირნობენ, გზაზე შეხვდა მათ ქრისტიანე, რომელმაც მოლალატე [Page იზ] და გაუტანელი უწოდა იასონს. ეს აირია და გაჯავრებით წარმოსთქვა: „ნეტა რა უნდა ჩემგან ამ უნამუსო დედაკაცს? მომშორდი, თორემ?!..“ შეიძლება, ამ სიტყვებს სხვა რამ უწესობააც მოჰყოლოდა, რომ ცოლს არ დაემშვიდებია იასონი. - არ ვიცი ამ კაცს საგულეში კაცის გული უძევს, თუ არა ქვა! არა, ქვა უნდა ედვას: იასონი თავმოყვარეა, ამაყია, თავმომწონეა; მაგრამ ეს კი მაკვირვებს, რისთვის ვერ წარმოუდგენია მას, ამ თავმოყვარე ყმაწვილს, რომ სხვებსაც ექნება ასეთი თავმოყვარეობაო! თუ ეს წარმოდგენილი აქვს, მაგრამ თავისას მაინც არ იშლის, ჩვენ უნდა ვუწოდოთ მას მხეცი, რომელსაც თავის მშორის დაკმაყოფილების მეტი არა ახსოვს რა; თუ კი ადამიანის რიცხვში მივიღეთ - მაშინ უნდა დავარქვათ გარყვნილი თვით მოყვარე (сентялюбивый), რომელიც ცოტათი განსხვავდება მხეცისგან.

აი ასეთ კაცს უვარდება ხელში ქრისტიანე, გლეხის დათია ხელმოკლიძის ასული. დათია ერთი ლატაკი, ცოლ-შვილით დატვირთული,

მუდმივი მუშა, მეზობლობის მცოდნე, ცოლ-შვილის მოყვარული გლეხია, მასთან სავსე პატიოსნური თავმოყვარეობით. ოფლის ღვრით, წელებზე ფეხის დგმით დათია შოულობს ლუკმა პურს; ნახევარს ბეჟან უქმადის ადგილში მუშაობს; სცდილობს, ბეჟანი არ გადაიმტეროს, ოჯახი წმინდათ პატიოსანი შეინახოს, ერიდება სოფლის ხმების, სოფლის ყბათ აღებას.

[Page იწ] რაც ღარიბ გლეხს მოეთხოვება, დათია კარგათ ინახავს ცოლ-შვილს; თავი მოსწონს შვილებით, მეტადრე ქრისტინეთი, და მხიარულია, როდესაც სადმე შეკრებილობაში მისი ქება ისმის. თუმცა მას ძლიერ უყვარს ქრისტინე, მაგრამ ოჯახის შებღარვას კი ვერ უთბენს; მისი ცუდი ყოფაქცევით თავზარდაცემული დათია თითქმის სასიკვდილოთ იმეტებს თავის საყვარელ, სასიქადულო ქრისტინეს, არ აკლებს ცემა-ტყეპას, თმით თრევას; ის არ უთმენს ოჯახის დამცირებას, გაუპატიურებას იასონ უქმადეს; უგზავნის მოციქულებს, ქრისტინე შეირთეო; სასამართლოშიაც უჩივის, მაგრამ ვერას ხდება თავის გამოუცდელობის და სილატაკის გამო; იასონი თავს იმართლებს ვექილის შემწეობით. დათია ხდება ყბად აღებული, წყალწაღებული; იასონზე ჯავრს ვერ იყრის; ისევ მიდგება საბრალო ქრისტინეს და ლანძღვა-გინებით და წყრომით სიცოცხლეს უმწარებს. ბოლოს მაინც თან-და-თან ღბება მშობლის გული, დათია თან-და-თან იბრალებს ქრისტინეს. ხანდახან გოგის ტირილით გაჯავრებული ის უწყრება ქრისტინეს, ბავშვებს ნუ ატირებ და ნუ მაწუხებო. როდესაც ქრისტინე შინიდან თბილისს იპარება, დათია ვიღაცის რჩევით მიდის იქ და გულმოდგინეთ ეძებს ქრისტინეს, მაგრამ ვერას ხდება, რადგან გამოუცდელო, კარში გამოუვალი კაცია; ბრუნდება შინ ხელცარიელი და მიეცემა უზომო ჯავრს: ვედარ მუშაობს, ვერც სვამს და ჭამს მოსვენებით; ხანდისხან ისე ღრმით, გულსაკლავათ ამოიოხრავს, „ვაი ჩემ დღეს, რა შვილი დამელუპაო, რომ გეგონება, გული შუაზედ გაუსკდაო.

[Page ით]

ამ პატიოსან პირს ჰყავს სწორეთ შესაფერი მეუღლე, მარკა. ეს, როგორც დათია. არის ერთი ალალ-მართალი ადამიანი, უფროსთან თავდაბალი, ქმარ-შვილისათვის თავგადადებული, ხანდისხან ფიცხი, (როგორც გურული ქალი,) მაგრამ ძლიერ მგრძნობიარე, სუსტი გულის არსება. ქრისტინეს ყოფაქცე-

ვით თავზარდაცემული მარიკა სწყევლის მას და ეხვეწება ღმერთს მის მალე სიკვდილს, მაგრამ ის, როგორც დედა, სწყევლის ქრისტინეს მხოლოდ ერთ, გულში კი უთუოთ ხელს იცემს, რა წარმოსთქვა ეს ჩემმა ბოროტმა ენამო! როდესაც ქრისტინე ეუბნება მარიკას, „შენ და მამა-ჩემს ჩემი სიკვდილი გინდათ ბარემ მომკალითო,“ მარიკას ფული უსკდება, თვალეზზე ცრემლები ადგება და გულამოსკვნით ამბობს: „მე მინდა შენი სიკვდილი, მე?! თუ გიწყრებით მე და მამა შენი, ისევ შენი გულიზა, თავი რეიზა წეიხდინეო.“ ქრისტინეს დაკარგვა შუა უყოფს სიცოცხლეს დედას: „ის მიუჯდება ღოჯეს, სადაც ქრისტინეს უყვარდა ჯდომა, და მოსთქვამდა თავის ბედკრულ შვილს.“ მხოლოდ მარჩიელის სიტყვებით აიმედებს თავს და მოთმინებით ელის ქრისტინეს დაბრუნებას; რამდენი ქალი გაივლის გზაზე, მარიკას ყველა ქრისტინე ჰგონია და წინ ეგებება, მაგრამ ქრისტინე არ ჩნდება. დაჯავრიანდება მარიკა, შესძულდება უქრისტინეოთ ცხოვრება, შესძულდება სმაჭამა, მის თვალეზს ძილი არ ეკარება; თუ ხანდისხან მილულავს ის თვალს, ათას ნაირი სიზმარი გულს უღრღნის და მოსვენებას არ აძლევს.

(შემდეგი იქნება)

ქ-რელი.

1.7.

[Page კ]

1.7.1. გაბრიელი

ამა სამოთხებრ შემკულ ქვეყანას
ანათებს ერთი დიდი ვარკლავი,
ღვთით მოვლენილი, მოხუცი ბრძენი,
ღვთის სიყვარულის გულს დამნერგველი,
ჭკუით მაღალი, გულით დაბალი,
ანგელოზებრივ პირმოცინარი, -
ყოვლად სამღვდლო ეპისკოპოსი
გაბრიელ დიდი, მშვიდი ვით კრავი.
ვინმე

1.7.2. ყანწს (ხალხური ლექსი).

კახური ღვინით აღვსილო,
გული მიგრილე;
როს მტრის საბრძოლათ წავიდე,
სიმხნევე მომე!

1.7.3. * * *

მტერს ვძლიო სამშობლოსი,
მტერი ორგული;
არ დავბრუნდე შერცხვენილი,
თავსლავ დასხმული.

[Home](#)

Date: 20 December 2019